

L.B.S.D. eumque ad hujus de ictero disputationis solennitam ... invitat / [Augustin Heinrich Fasch].

Contributors

Fasch, Augustin Heinrich, 1639-1690.
Universität Jena.

Publication/Creation

[Jenae] : [Krebs?], [1685]

Persistent URL

<https://wellcomecollection.org/works/vnj8myca>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DECANUS
FACULTATIS MEDICAE

AUGUSTINUS HENRICUS
FASCHIUS, D.

Anatom. Chirurg. & Botanic.

Prof. Publ.

Archiat. Duc. Sax.

L. B. S. D.

EUMQUE

ad hujus de ICTERO disputationis
solennitatem

*officiosè & amicè
invitat.*

DECANUS
FACULTATIS MEDICAE

AUGUSTINUS HENRICUS
FASCHUS, D.

Anatom. Chirurg. & Botanicae

Prof. Public.

Archiat. Duc. Sax.

L. B. S. D.

FUNGUS

ad huius de ICTERO disputationis

sollicitudo

officiorum & amicorum

testis



Sunquam lex naturæ in-
versa conspicitur in microcosmō,
sanè in vulgaris quidem notitiæ, non
autem adeò vulgaris facilitatis, mor-
bi icterici productione observabilis
illa est.

Massæ sanguineæ vigorem, caloremque infi-
tum à justâ sulphurearum salinarumque volatiliū
particularum symmetriâ de pendere, quis ambiget
unquam? His benè sibi invicem respondentibus,
valet calor, valet color, valet vigor, valent omnes
subindè omnium partium actiones; & hæc eò ma-
gis omnia invicem firmitudinem nanciscuntur, quò
magis omnia secundum ordinem naturæ perficiun-
tur.

Quemadmodum autem bilis succis vitalibus,
sanguini nempe atque lymphæ, convenienti har-
moniâ commissa corpori incredibilem parat utili-
tatem; ita contrà, ab illâ *vel* accensâ omnis gene-
ris febres resultant; *vel* fluxiliori redditâ ac à frenō
liberâ, omnis generis profluxia excitantur; *vel* spif-
siori factâ aut gelatinascente, vigor naturæ incipit
languere, spiritus torpescere, languor augeri par-
tium, & propter effusam in habitum corporis bi-

lem flavus ac citrinus pulcherrimo corpori inducitur color, quem *victoriam bilis citrina* eapropter nominare sueverunt Veteres.

Eructari aliàs quæ solet bilis ex Massâ Sanguineâ reflua per hepatis colatoriam substantiam, tam per vesiculam hujus purioris collectioni destinatam, quam per ductum hepaticum ejusdem crassioris excretioni dicatum, demùm per utrique communem *χοληδόχον* ducenda in duodenum, jam propter obstructionem aut compressionem aliquam ductuum stagnare incipit, aut propter gelatinositatem à peregrinò austeròque succò adeptam spissescit *partim* in ramis ductus hepatici, refluus mixta sanguini & lymphæ hæc crocea excrementitiæ bilis tinctura ad cor & per hujus circulum cum novò sanguine ad omnem corporis peripheriam ducitur, ut integumentum coriaceum, & quicquid naturaliter albicans visitur, flavedine croceâ decoloret; *partim* in cystide ordinariâ magis horrenda & intricatissima inducit phænomena, quando vel in calculos vel in grumos coagulata est. Hoc ipsum autem confirmabunt duæ memoratone dignissimæ historiæ, à nobis observatæ, quas brevissimis attingere licitum erit.

Prima in metallis expoliendis aliàs artifice *Ensisfabro*, qui sibi ex veneficio dolores & cruciatus, tanquam carbones vivos in hypochondriò dextrò hærentes, per integrum vicennium firmissimè crediderat; post mortem verò biliaria cystis mirum quantum dilatata, & 3646. granulis, majoribus pariter ac
mino-

minoribus, referta deprehensa est, unicuique adhuc demonstrabilis.

Altera in fœminâ quâdam, cystidem nominatam coagulâtâ bile adeò repletam exhibebat mihi sectori, pisibus majoribus, quadrangularibus & ex parte rotundis, omnibus tamen quasi pictis, numerò XLIII. refertam.

Nolo tamen his jam immorari diutiùs, in commodius tempus delaturus examen. Quas verò radices agat ICTERUS, & quâ resultet, in disputatione sua Inaugurali eruditè proponit Clarissimus

JOHANNES MARTINUS HOFMANNUS,

Medicinæ Doctorandus solertissimus:

cujus natales studiorumque rationem, more consuetô, nunc adnectemus.

Natus *Is* est Numburgi, celebri Misniæ urbe, anno M DC LII X, Mense Septembri, Virô prudentiâ & rei pharmaceuticæ peritiâ conspicuo, *Johanne Hofmannô*, Pharmacopœo ac Judice jam hîc Oppidanô spectabili, & Matre *Elisabetha Dorothea*, Matronâ laudatissimâ, ex summi illius Theandri, B. Doct. *Martini Lutheri* Nepote, Virô maximè reverendo, *Johanne Ernesto Lutbero*, Capituli Cizensis quondam Seniore venerando, Filia.

Curæ autem cordique fuit Parentibus optimis, ut filiolum teneris adhuc in annis pietati, literis ac moribus adsuefacerent; hinc Præceptoribus commisere eum scholæ h. l. trivialis, ut elementis pri-

mis imbueretur, animusque ad studia majora melius præpararetur.

Quò factò, anno M DC LXXIV. suasu Parentum scholæ Provinciali Rudolphopolitanæ insertus Clarissimos invenit Præceptores, M. *Johannem Schwinmerum*, Rectorem indies benè merentem, & *Job. Christophorum Treunerum*, Conrectorem, Philologum optimum, τὸν νῦν ἐν αἰγίοις; quos per quadriennium fideliter sectatus est.

Humanioribus imbutus literis ad Nos rediit iterum, nomenque Academiæ dedit anno M DC LXXVII, ut incepta alacrius prosequi studia posset; eapropter publicè privatimque in Logicis audivit Maximè reverendum ac Excellentissimum *Valentinum Velthemium*, SS. Theol. Doct. t. t. Log. & Metaphys. hodiè verò Theologiæ Prof. Publ. famigeratissimum; in Phycis Nob. ac Excellentiss. *Casparem Posnerum*, Prof. meritissimum.

Cùm verò ipsi præ reliquis arrideret studium medicum, conjungere statim placuit ipsa exercitia medica philosophicis, frequentando Nobilissimorum Experientiss. Excellentissimorum Virorum & Professorum Medicinæ celeberrimorum, tam *Rudolphi Wilhelmi Krausii* scholas de diætâ mulierum & infantum, ejusdemque demonstrationes chemicas; quàm *Georgii Wolfgangi Wedelii* lectiones institutionales; item de simplicium cognitione, de materia medica & practicum collegium in Balthas. Timæi à Guldenslee casus medicinales. Ut etiam studiorum profectus ostenderet eruditis, sub præsidio prælaudati

D. Wedelii Aegrum paralyticum Speciminis academici loco publicè & cum laude exhibuit. Ego verò cum simul in testimonium vocer, certò affirmo Nostrum in botanicis, anatomicis & chirurgicis mihi sedulò adstitisse meque audivisse, quoties ferret occasio.

Ut verò cum peregrinis versari disceret, suasu Parentum Patronorumque bienniò præteritò ad externos abiit, & *Belgium* visitans Professores inclutos *D. Drelincurtium*, *D. Craën*, *D. Carolum de Maets*, *D. Schachtium*, qui *Nostrium* simul in Nosocomia duxit, & *D. Hermannum*, notabili cum fructu audivit docentes & demonstrantes; & cum Inaugurales ibid. haberentur disputationes, aliquot vicibus opponendo sese exercuit.

Ulteriùs excitatus *Britannicum* Noster transit fretum & Angliæ Metropolin, *Londinum*, post *Winzoriam*, propter Equites periscelidis cœruleæ celebrem, & tandem *Oxonensem* cursoriè contemplatus est Academiam.

Paucos post menses vocatus iterùm in *Germaniam*, per *Alsatiā* rediens *Argentoratum* aliasque nobiles ac celeberrimas Imperii Urbes visitavit ac perlustravit.

Redux verò ut praxi publicæ animum adplicaret eò majori cum laude, consensu Parentum non ita pridem Nomen suum Facultati nostræ dedit, simulque eā, quā decet, humanitate ac reverentiā in numerum recipi Candidatorum petiit. Quò impetratò, ad examina admissus, dignus judicatus fuit, qui

qui disputationem Inauguralem de ICTERO sub
præsidio WEDELIANO propediem publico expo-
nat examini.

Huic vero solennitati dicatus est dies XXVII.
Maji; Itaque ad Eandem Rector Magnificus, In-
cluti Academiae Proceres, Doctores, Professores,
Magistri, & Omnes, qui Medicinae Fautores vel sunt,
vel esse volunt, gratissimâ præsentiâ cohonestandam
ut compareant, jam sub sigillo Facultatis officiosè &
peramanter rogo. Dab. Jenæ M DC LXXXV.

Maji X XIV.

A large black circle is drawn on the page, centered below the main text. Inside the circle, the letters 'L. S.' are written in a serif font, likely representing a library stamp or a mark of ownership.